

Ա Ռ Ա Ր Կ Ո Ւ Թ Յ Ո Ւ Ն Ն Ե Ր

ՀՀ ՇԻՐԱԿԻ ՄԱՐԶԻ ԱՄԱՍԻԱ ՀԱՄԱՅՆՔԻ ԱՎԱԳԱՆՈՒ 2021 ԹՎԱԿԱՆԻ ՓԵՏՐՎԱՐԻ 23-Ի
ԹԻՎ ԹԻՎ 9-Ա, 10-Ն ԵՎ 12-Ա-15-Ա ՈՐՈՇՈՒՄՆԵՐԻ ՎԵՐԱԲԵՐՅԱԼ

Թիվ 10-Ն որոշումն իր մեջ պարունակում է երկու տարբեր բնույթի իրավական ակտեր, ուստի անհրաժեշտ է երկու առանձին որոշումներով հաստատել ՀՀ Շիրակի մարզի Ամասիա համայնքի 2020 թվականի բյուջեի կատարման և ՀՀ Շիրակի մարզի Ամասիա համայնքի հնգամյա զարգացման ծրագրի իրականացման վերաբերյալ 2020 թվականի տարեկան հաշվետվությունները Սիմֆ` Սևորմատիվ իրավական ակտերի մասին՝ ՀՀ օրենքի 9-րդ հոդվածի 1-ին մասը:

Որոշման նախաբանում Ոչայաստանի Հանրապետության բյուջետային համակարգի մասին՝ ՀՀ օրենքի 35-րդ հոդվածի 2-րդ և 6-րդ մասերի փոխարեն անհրաժեշտ է հղում կատարել նույն հոդվածի 5-րդ և 8-րդ մասերին:

Բացի այդ, որոշմամբ հաստատված ՀՀ Շիրակի մարզի Ամասիա համայնքի 2020 թվականի բյուջեի կատարման տարեկան հաշվետվությունը պետական լիազորված մարմնի սահմանած ձևաչափին համապատասխան չի ներկայացվել (հիմք` «Չայաստանի Հանրապետության բյուջետային համակարգի մասին» ՀՀ օրենքի 35-րդ հոդվածի 9-րդ մաս):

Թիվ 12-Ա որոշման վերնագիրն անհրաժեշտ է համապատասխանեցնել թիվ 9-Ա որոշմամբ հաստատված օրակարգի 3-րդ հարցին:

Թիվ 13-Ա որոշման հավելվածի վերնագրում Սհամարվող՝ բառն անհրաժեշտ է փոխարինել Սհանդիսացող՝ բառով:

Թիվ 14-Ա որոշման նախաբանում անհրաժեշտ է հղում կատարել նաև ՍՏեղական ինքնակառավարման մասին՝ ՀՀ օրենքի 10-րդ հոդվածի 11-րդ մասին և 18-րդ հոդվածի 1-ին մասի 42-րդ կետին:

Համաձայն ՀՀ Շիրակի մարզի Ամասիա համայնքի ավագանու 2020 թվականի դեկտեմբերի 15-ի թիվ 70-Ն որոշմամբ հաստատված կարգի 16-րդ կետի, սոցիալական օգնություն տրամադրվում է սոցիալապես անապահով այն ընտանիքներին, որոնք համայնքի բյուջեի նկատմամբ հարկային պարտավորություններ չունեն, հետևաբար անհրաժեշտ է նշում կատարել նաև սոցիալական օգնություն ստացած անձանց անապահովության և համայնքի բյուջեի նկատմամբ հարկային պարտավորություններ չունենալու վերաբերյալ:

Հավելվածի 7-րդ սյունակում հեկտար բառն անհրաժեշտ է գրառել լրիվությամբ:

Թիվ 15-Ա որոշման նախաբանում «Նորմատիվ իրավական ակտերի մասին» ՀՀ օրենքի 33-րդ հոդվածի 1-ին մասի 1-ին կետին կատարված հղումը սխալ է: Անհրաժեշտ է հղում կատարել նաև «Նորմատիվ իրավական ակտերի մասին» ՀՀ օրենքի 34-րդ հոդվածի 4-րդ մասին:

Որոշման հավելվածում առկա են կրճատ գրառված բառեր:

*Կատարող` Շ. Շաքարյանց
16.03.2021թ.*